


Loke un maneho preventivo por logra:

E di dos logia mas grandi den Reino Hulandes a celebra 85 aña



ORANJESTAD (AAN). Diamars cu a pasa, Logia E Sol Naciente a cumpli su 85 aña di existencia y durante un ceremonia a ser reconoci e labor cu e logia a desaroya durante e lapso di tempo aki.


Ta asina cu siete arubano prominente di e tempo ey, cu a logra despues di un lucha di mas o menos 9 aña, a haya permiso for di e Gran Logia di Hulanda pa formalmente lanta e Logia E Sol Naciente number 113.

Door di nan trabao y nan perseverancia den tempo bon y malo. Den tempo cu comunicacion tabata masha dificil, caminda no tabata existi telefon ni fax, corda internet, cu e fundeshi fuerte di masoneria a worde poni na Aruba.

Ta pesey cu awe tin tres logia reconoci na Aruba. Dos bao hurisdicción hulandes y uno bao hurisdicción venezolano.

Ta door di e fundeshi fuerte aki El Sol Naciente a crece te caminda cu e ta awe cu 83 miembro, mayoria arubiano for di tur sector di nos comunidad y e di dos logia mas grandi den Reino Hulandes.

Mester bisa cu Masoneria ta un orden di hermandad cu ta cultiva tolerancia y rectitud. Tambe, ta stimula obranan di caridad, ta busca uni



hendenan y nacionnan como purba di kita tur locual ta dividi curazon y mente por medio di simbolonan y ritualnan.

Pa bira mason, mester kere den un dios of ser supremo. Masoneria no ta un religion. Akinan, debatenan di indole religioso of politico no ta

worde tolera den nan reunionnan.

Banda di esaki, masoneria ta rekeri di su miembronan obediencia na e leynan d unda nan ta biba y traha.

Durante e ceremonia a se poni un krans dilanti di monumento cu ta ubica den cercaninan di oficina di Gobernador.